



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

De veneratione sacrosanctae Eucharistiae. 16

urn:nbn:de:hbz:466:1-14298

CAP. XI. *De moderandis donariis,
quae Susceptores infantibus donant.*

Qibusdam in locis, ambitionis magis quam pietatis causa, dum utrumque tam Baptismi quam Confirmationis Sacramentum peragitur, hi, qui Patrini dicuntur, certant, ut alter alterum, donariorum precio, (quo suscepit ac presentati pueri donantur,) videntur. Præterea itur statim, maximè post Baptismum, ad comedationes; cum tum maxime comedationibus esset abstinentium. Qua de re monendus est populus, ut, quæ digna sunt his Sacramentis, tantum carent; cetera autem moderantur aut penitus tollant. Nam non offendimus Deum gravius, quam cum illius sanctissima mysteria indigne tractamus.

CAP. XII. *Docendus populus de
signis externis.*

Docet præterea Parochus populum, quid signet Christma, & cur ex oleo olivæ ac balsamo conficiatur; quemadmodum docebit Enchiridion.

CAP. XIII. *De Sacrosancta
Eucharistia.*

Eucharistia, unicum illud piarum mentium solarium ac delicium, hac deploratissima tempestate, execranda infania ac abominabili prophanatione hæreticorum, de re tanta quodlibet communiscentium, plerisque quodam modo in nauseam vertitur: adeo, ut (quod dolentes referimus) multi nunc sint, qui non tantum hunc panem vitæ, qui de cælo descendit, accipere non desiderent, sed & avertentur; homines, solo nomine Christiani, re ipsa vero Capharnaitis ipsis deteriores; etiam quos post acceptam noticiam veritatis, voluntarie in Filium Dei peccantes, ac Corpori Dominicano & Sanguini contumeliam inferentes, terribilis quædam expectatio judicii, & ignis æmulatio (quæ consumptura est adversarios) manet.

CAP. XIV. *Quid docendus populus
in hujus Sacramenti ministracione.*

Docendus est itaque populus Christianus, certissima fide credere, quod in hoc Sacramento sit verum Corpus & verus Sanguis Christi Iesu. Neque enim veritas mentitur, quæ apud Matthæum, Marcum & Lucam, hoc Sacramentum instituens ac porrigit, simplicissime dixit: Accipite & comedite; Hoc est Corpus meum, quod pro vobis tradetur; Hic est Sanguis meus Novi Testa-

menti, qui pro vobis & pro multis effundetur in remissionem peccatorum; Hoc facite in meam commemorationem. Sic docet Paulus *I Cor. IO.*

Apostolus: Calix benedictionis cui benedicimus, nonne communicatio Sanguinis Christi est? Et Panis quem frangimus, nonne participatio Corporis Domini est? Vnde consequitur, in Eucharistia totum esse Christum, quanquam ibi sit sub ratione cibi & potus. Qui enim tradidit verum Corpus & Sanguinem, haud dubie tradidit vivum. Quare, si credimus, in sepulcro Divinam naturam non fuisse separatam ab examini corpore, quanto magis credemus, eam à vivo corpore non esse separatam in Sacramento?

CAP. XV. *Quibus persuasum est,
utramque speciem Laicum participare
oportere, quomodo docendi.*

Vbi sunt, quibus contra Ecclesiæ consuetudinem persuasum est, oportere Laicos participare Corpus & Sanguinem Domini sub utraque specie; ibi docebit Parochus hos qui gravatam habent conscientiam, Corpus & Sanguinem Domini in altera tamen specie, perfecte consistere; adeo ut Laicus, qui sub specie panis communicat, non tantum Corpus, sed & Sanguinem Domini, non minus recipiat quam qui capit sub utraque specie & panis & vini: Ecclesiæ quoque Laicis unam tantum speciem dare, quod, pro reverentia ipsius Sacramenti & salute fidelium, Ecclesia (cui dispensatio Sacramentorum Dei commissa est) sic videtur expedire. Nam, quum nullatenus ambigendum sit, sub specie panis non tantum carnem, nec sub specie vini Sanguinem tantum, sed sub qualibet specie totum Christum contineri; cur se Laicus iudicio Ecclesiæ, quam Dominus audiri voluit, non submittet? quæ non temere, sed multis rationibus permota, decrevit, salubrius esse, ut non tantum populus, sed & Sacerdotes non sacrificantes, Christum sub una potius specie, quam sub duabus, perciperent. Quid enim panis vinique species aliud sunt post consecrationem, quam species Sacramentales & accidentia sine subiecto? ut non habeat Laicus, cur queratur, sibi alteram subtrahiri speciem, ubi totum, quod sub utraque specie continetur, integre accipiat. De qua re alibi latius dicetur.

*Ex Concil.
Constit.*

Matt. 18.

*Amb. de
Sacra. c.
reverore. de
conf. diff.*

2.

CAP. XVI. *De veneratione sacro-sanctæ Eucharistie.*

Et, quoniam in hoc Sacramento Christus continetur, cohortandus est populus, ut ad hæc mysteria, contremiscens, quum in celebratione Missarum elevatur Hostia salutaris, se reverenter inclinet, corporeque humiliante

Matt. 26.

Marc. 14.

Luka 22.

Testa-

*Hono. 3. c.
fam. de
celeb. Miss.
Ex Conc.
e. Pres.
de conf.
diss. 2. in
c. sane.*

mente adoret Crucifixum ; facturus idem, quum Presbyter defert ad infirmum Eucharistiam ; quam ob id paratam semper habere debet, ut, quando quis infirmatus fuerit, statim eum communicet, ne fine communione decedat. Quod faciens, decenti habitu induitus, hanc salutarem Hostiam palam ac honosifice ante pectus cum omni reverentia & timore ferat & referat, lumine semper praecedente, ut hoc signo populus intelligat, illic eum esse presentem qui est candor lucis aeternae. Hac denique sacrosancta Hostia reponatur in loco singulari, mundo & signato ; honorificeque collocata, devote ac fideliter conservetur.

C A P. XVII. *Quomodo tantum miraculum in hoc Sacramento fiat, populus docendus.*

*I Cor.
II.
Joan. 6.*

Docendus item est populus ; quod tantum miraculum in hoc Sacramento virtute Christi fiat, non ex merito Sacerdotis. Quod & in ceteris Sacramentis obtinet. Nam intra sanctam Ecclesiam Catholicam, in mysterio Corporis Christi, nihil a bono magis, nihil a malo minus, perficitur Sacerdote : quia non in merito confecrantis, sed in verbo efficitur creatoris, & in virtute Spiritus sancti. Si enim in merito esset Sacerdotis, nequam ad Christum pertineret. Nunc autem, sicut ipse est qui baptizat, ita ipse est qui per Spiritum sanctum hanc suam efficit Carnem, & transit vinum in Sanguinem. Sed hoc tantum interest, quod malus Sacerdos sibi tantum nocet, indigne tanta mysteria tractans. Nam quod ad veritatem Corporis Dominici attinet, ita percipit hic cui dicit Apostolus, Qui manducat indigne, iudicium sibi manducat ; sicut is cui dicitur, Qui manducat meam Carnem, & bibit meum Sanguinem, in me manet, & ego in eo.

C A P. XVIII. *Quomodo admonenda plebs, ad sumendum Eucharistiam accedens.*

*I Cor.
II.*

Præterea instituenda plebs est, quod Eucharistia sumenda sit ; & in primis admonenda, quam grave crimen sit, ad tanti Sacramenti participationem indigne accedere. Nam Apostolus ait : Quicunque mandaverit panem hunc & biberit Calicem Domini indigne, reus erit Corporis & Sanguinis Domini. Et iterum hanc horrendam sententiam congerminans : Qui, inquit, manducat & bibit indigne, iudicium sibi manducat & bibit, non dijudicans Corpus Domini. Ideoque (uti subjicit) multi inter vos infirmi & imbecilles sunt, & dormiunt multi. Quod si nos ipsos dijudicaremus, non utique judicaremur.

C A P. XIX. *Qui ad hoc Sacramentum participandum admittendi.*

P Roinde nemo admittendus est, nisi ejus conscientia Parocho sit, aut cui potetas super hac re legitime facta est, per exomologis explorata, & qui penitenti ac contrito corde Corpus Domini dijudicans acceperit; quod jubet Apostolus, quum ait : Probet *I Cor.* autem semetipsum homo, & sic de Pane illo *II.* edat, & de Calice bibat ; ne cum Iuda, qui *Ioan. 13.* cenæ Dominicæ ad iudicium interfuit, locum diabolo præbeat. Mens ergo ab omni affectu peccandi longe absit. Nam, si adhuc *Aug. 1.* habet voluntatem peccandi, gravatur magis *quoti, de* Eucharistiae perceptione, quam purificatur. At contra, quamvis quis peccato mordeatur, *conf. diss. 2.* si tamen peniteat, & de cætero peccandi voluntatem nullam habeat, confidens de Domini miseratione, accedat ad Eucharistiam intrepidus & securus.

C A P. XX. *Quatenus, alteri quam suo Parocho confessus, ad Eucharistiam admittendus.*

Q Vi alteri quam suo Parocho confessus est, is, si non facta Confessionis suspensus habeatur, testimonium adferet, se confessum esse. cuius etiam conscientiam verus ipse Parochus in principalibus Christianismi articulis excutere non omittet. Ac generaliter singuli Parochiani rudiiores, anno saltem semel, quam adibunt mensam Dominicam, examinandi prius in præceptis Domini, articulis fidei, oratione Dominicæ, ac Ecclesiæ Sacramentis, maxime Baptismi & Eucharistiae.

C A P. XXI. *Intra annum saltem semel communicandum.*

E T, ut cohortandus est populus, quo sæpe numero communicet, quemadmodum olim singulis diebus Dominicis fieri consuevit ; (quod quidem nunc quo minus fiat, per Laicos stat, quibus non debet celestis ille cibus invitatis aut naufragiis obtrudi;) ita ut minimum populus ipse in disciplina Ecclesiastica retinendus est, ut saltem toto anno semel ab omnibus, qui ad discretionis annos pervenissent, Confessis & Contritis, Eucharistia summa cum reverentia suscipiantur. Olim, qui non communicassent in anno saltem ter, in Pascha videlicet, Pentecoste, & Natali Domini, inter fideles Catholicos non connumerabantur : sed quam sensim omnis penè refixerit charitas, in hoc quoque Ecclesiastica disciplina cœpit esse remissior.

C A P.